





H. XIII. 10.




Liden  
Novo Jacin.

937. III

M. III











Henrici Nicolai

1. de Multiplicitate Rei facta.
2. Tr. de Contradictionis Natura et Principio.
3. Tr. de Oppositione Enunciatorum.
4. Paraphrasis Liberalis Tabellae representata.
5. Dispositio Magnifica.
6. Tr. de Notis naturalibus.
7. Tr. de Cognitione humana univ. duabus Expositionibus comprehensa.



D. O. M. A.

I.

DE

OPPOSITIONE ENUN-  
TIATORVM,  
TRACTATVS SINGVLARIS.  
SECTIO PRIOR.

Solito M.

De Oppositione Enuntiatorum in sese.

EXERCITATIO I.

De Nomine & definitione Oppositionis  
Enuntiatorum.

Resp.  
Georgio  
Newenfel-  
dio, Danti-  
scano Bor.

THESIS I.



Ingentia molimina præsument, qui Mun-  
dum circuire, & causas secretaq; ejus ex abdito  
eruere, alijsq; noscenda proponere meditantur.  
Inprimis, cum exiguum ævi nos decurrere exi-  
stimetur, ac à tergo celeriter senectus subeat, me-  
dioq; actorum cursu telam mors abrumpat. Non minora moli-  
untur, qui Vniuersa Ratiocinatricis disciplinæ momenta ad  
vnguem refecare, alijsq; representare meditantur. Diffusa  
enim amplitudo hic, & quaquaversum aut in Natura regno Ra-  
tionis usus se occupat, aut in supernaturalium circo vagatur,  
sedem sibi Rationalis disciplina collocat. Frustra jam de to-  
ta eâ agere præsumat, Cum & magnam partem in Gymn.  
Logicis id peractum, & alibi peragendum restare possit. Ipsæ  
partes singulæ, siue simplices, siue compositæ operationis illæ,  
ita se habent, ut magna rerum varietate exundent, & multa  
latentia ac abstrusa contineant. Ne longè abeamus, Opposi-

A

torum



## 2 De Oppositione Enuntiatorum

torum doctrina id aperto documento confirmet. Quid Contradictio sit, quosuplex, qualis, quo fundamento radicata sit, praeceps de Contradictione Tractatus sat copiose docuit. Sed in Enuntiatis Cum Opponendi ratio variet, & Contradictio, quae aptissime formanda, in incerto sit, variegata inter literatos disceptetur, ob materiae ipsius dignitatem, jucunditatem, amplitudinem, ac insignem, quam in Theologicis exemplis obtinet, utilitatem, speciali Tractatu per literarios disputationes disquirere, necessarium judicatum est. Quod praesente argumento, BONO CVM DEO, expedire constitutum est.

2. Dari in Logicis inter affectiones Enuntiatorum etiam Oppositiones eorum, Cum ipsa rationalis operatio circa Enuntiata procedendi, quae in repugnantiam aliquam ea conferre possumus, cum communis Logicorum usus & experientia literata docet, Vbi omnes Authores Logicos oppositiones Enuntiatorum repraesentare videmus. Definiri potest Enuntiatiua Oppositio Oppositio, quae propositiones verè inter se in sensu identicè sumpto pugnant, Logicè adducuntur. Genus est oppositio, h. e. repugnantia, quae aliquid de eodem identicè sumpto affirmatur simul & negatur. In hoc enim formale verae oppositionis esse Tract. de Contradictione s. 1. t. 20. seq. latius deductum. Haec Oppositio quia ad Oppositionem Terminorum & Enuntiationum indifferens est, Vt c. l. f. 2. t. 2. visum, adeoque ad duas repugnandi species Logicas, quas simul comprehendit, fundi potest, legitimum genus ad Oppositionem Enuntiatorum esse potest. Quae ad differentiam pertinet, ex c. l. t. 20. seq. explicationem habere possunt. Haec Oppositio Enuntiatorum, vel Contradictoria vel contraria, Contradictio vel contrarietas, est. Plures enim veras opponendi Enuntiata in Logicis species

non



non esse, non subcontrarias, subalternas, indefinitas, singula-  
res, sed harum nonnullas vel nullas Oppositiones verè esse, ut  
subcontrarias & subalternas, vel ad Contrarias & Contradi-  
ctorias referri posse & debere, d. 9. Gym. Log. t. 30. satis o-  
stensum est.

3. In Contradictione Enuntiatorum quedam in no-  
mine, quedam in re spectanda erunt. Contradictionis vox,  
quando de Enuntiationibus usurpatur, interdum materialiter  
sumitur, interdum formaliter. Materialiter sumitur I. Cum  
magis materia rei enuntiatae, quam forma enuntiandi at-  
tenditur. Hoc modo Contradictoria dicimus, cum termini  
oppositi qualescunq; in propositione de eodem subjecto enun-  
tiantur, etiamsi non precise Contradictorij sint. Vt Petrus  
est niger, Petrus est albus, Homo est calidus, homo est non ca-  
lidus, vel frigidus, ille est cecus, ille est videns. Ita secundum  
oppositiones terminorum propositionum oppositiones dividi pos-  
sunt, ut aliae contradictorie oppositae, ut Chimera est ens, Chi-  
mera est non ens, aliae Contrariae, ut homo est calidus, homo est  
frigidus; aliae privativae ut Barthimaeus est cecus, Barthi-  
maeus est videns; aliae relativae, dicantur, ut ille homo est pa-  
ter, & ille homo est filius. Hac opponendi ratio non attendi in  
propositione solet, nec peculiariter explicari, quia non ex ipsa  
vi propositionis, sed materia quadam in ea contenta, terminus,  
procedit, & ex ipsarum rerum oppositione, qua in terminorum  
doctrina traditur, elucescit: Quà ratione & Oppositionem quan-  
dam disparatam vocare liceat, quae ex terminis disparatis proce-  
dat, ut homo volat, homo repit, Leo est planta, Leo est me-  
tallum. 2. Cum Contradictio terminorum virtualis ma-  
gis, quam Enuntiandi forma attenditur. Sic aqua est cali-  
da, & aqua est frigida; Contradicere sibi dicuntur, quia fri-  
gidum virtualiter negat calidum, & importat non calidum,



quod prioris predicati aperte Contradictorium est. Sic Deus est Spiritus, & Deus est corpus, contradictoria habentur, quia ratio corpus virtute contradicit Spiritui, dicit enim idem ac non spiritum. Vt Tr. d. Contradict. l. 2. c. 7. 8. 27. seq. monitum, 3. Cum sensuum repugnantia in enuntiatis attenditur, & contradicentia dicuntur, quæ sensum repugnantem important, etsi quæ formam enuntiandi Logicam aperte Contradicentia non sint, nec signa quantitatum ulla habeant. Hic sensus in Theologicis frequentissimus est, ubi contradicere sibi dicuntur, qui enuntiationes sensus repugnantes habentes simul pronuntiant. Sic Theologi in faciem hereticos Spiritui Sancto contradicere in refutando sepius dicunt, etiam si enuntiatum Universale, aut particulare, non præcisè forment. Vide Meisnerum d. 26. Anthro. t. 28. & alios. Ita Anonimus aliquis in abfert. prodromi c. D. Hoën p. 22. duas indefinitas sibi contradicere ait, Authoris nomen nil facit ad rem ipsam in scripto, Et, authoris nomen facit ad rem scripti. Vede-lius l. 3. rat. Theol. c. 7. p. 579. Præter Contradictionem eam implicitam, ait, quæ est in unâ eademq; propositione, datur etiam alia, quæ formalis non est, nec tamen in unâ eademq; propositione, sed inter duas. Ita enim v. g. nos Protestantes omnes dicimus, Contradictionem esse inter duas has propositiones, Purgatorium datur, & solus sanguis Christi purgat nos ab omni peccato, & illam propositionem Romanensem contradicere huic, quæ est verbi Dei. Sic nos Reformati dicimus, enuntiationem hanc, Corpus Christi est ubique, contradicere multis enuntiationibus scripturæ, ut Christus ascendit in cælum; Christus venturus est ex cælo. Vide plura apud illum.

4. Exempla talium Contradictionum passim apud Authores præstant. Sic Jac. Martini in Syn. Rel. Phot. c. 9. §. 29. Osto-

Ostendendum  
tam habere  
Phoriniano  
esse dicere.  
eovio Cont  
Ecclesia, &  
gnotum alio  
actu primo  
Bacchius A  
gu, quod Lo  
dacia verfar  
in Logius m  
dicat, l. 1.  
Martini d.  
Christus fu  
Mariâ na/se  
nem, & Ch  
fit per solam  
opera simu  
num pugn  
ciatur, quom  
Contradict  
tebunt. Hor  
verbalis & p  
duæ indefi  
compositæ  
sum ponunt  
præsentem  
progressus.  
Contradict  
positionum



## Exercitatio I. 5

Ostendendum contradictionis arguit, quod Christianos peccatum habere, & tamen esse sine peccato, dicat. Perinde ac si quis Photinianos habere conscientiam, & tamen sine conscientia esse diceret. Sic Th. Nicolaides tr. d. Eccles. c. 5. p. 53. Borcovichio Contradictionem tribuit, quod & Scripturam notioem Ecclesiâ, & hanc illâ dicat, scilicet aliquid simul & notius & ignotius alio dicat. Grauerus Contradictionem vocat, Homo actu primo est Deus, & homo n. a. p. e. D. in absurd. c. 2. §. 11. Bacchius Adversaria suo Nicephoro Contradictionem impingit, quod Logicam circa ens & non ens, vera & falsa ac mendacia versari doceat, & tamen exclusivarum doctrinam parvi in Logica momenti, nec ad veram analysin Logica pertinere dicat, l. 1. pr. anal. Log. c. 3. t. 1. p. 270. Similia apud Cor. Martini d. anal. mat. c. 3. lege. Sic Contradictoria dicimus, Christus fuit ab aeterno, & Christus non fuit, nisi cum ex Mariâ nasceretur. Christus est ex semine David secundum carnem, & Christus carnem sideram ex caelo detulit. Iustificatio fit per solam fidem in Christum, & Iustificatio fit per fidem & opera simul. 4. Cum duarum Universalium Enuntiatio- num pugna in affirmatione & negatione Contradictio dicitur, quomodo Rameos vocem illam usurpare l. 1. c. 16. de Contradict. d. Num, & de eâ ex § 11. hujus sectionis plura patebunt. Formaliter sumitur Contradictio, cum vel universalis & particularis enuntiatio præcisè opponuntur, vel duæ indefinitæ, singulares, exponibiles, modales, aut compositæ, in affirmando & negando eundem præcisè sensum ponunt & remouent. Utroque modo per sectionem præsentem maximam partem sumenda vox ista veniet, ut progressus docebit. Ex synonymicis vocabulis etiam Oppositio Contradictoria Enuntiativa, Contradictio complexa, propositionum, axiomatica, dici possit.

§. No-



## 6 De Oppositione Enuntiatorum.

5. Nomine in Contradictione propositionum viso res ipsa absolutè & respectivè spectari possit. Absolutè in definitione, formandi generali modo, divisione, & attributis ac utilitatibus.

6. Definitio *hac sit*. Contradictio propositionum est Contradictio, eandem propositionem in sensu eodem affirmans & negans præcisè.

7. Ex genere Contradictio dicitur, ad eum modum, quo simplex terminus pro genere complexi repeti solet, ut s. 2. §. 19. de Contradict. dictum. Ex differentia dicitur, eandem propositionem affirmans & negans. Affirmans *h. e.* ponens aliquid cum aliquo, negans *h. e.* removens aliquid ab aliquo. In his enim affirmationum & negationum formalia consistere s. 1. §. 20. c. l. constitutum est. Propositionem affirmare & negare dicitur, i. e. sententiam copula enuntiativa dispositam, in hoc enim Natura propositionis consistit. Per hoc & à Contradictione in genere distinguitur, quæ abstractè & indifferenter & ab terminorum & ab enuntiatorum Contradictione sumitur, in cuius definitione nec per terminos eam fieri, nec per enuntiata, dicitur, ut s. 1. §. 18. 19. de Contradict. visum: Et ab terminorum Contradictione, quam termini ejusdem affirmationem & negationem esse s. 2. §. 18. c. l. dictum est. Hic propositionum Contradictio spectatur, non solum terminorum. Dicitur, eandem propositionem negare & affirmare, quia requisitum identitatis in Contradictione in genere s. 1. §. 22. 23. c. l. præscriptum & hic proportionatè est observandum, ut nempe eadem propositio eodem subiecto & predicato, eadem copula, eodem extremorum situ & ordine constans, affirmetur & negetur. Si horum aliquid immutetur, Contradictio extra legem veritatis procedit. Sic Petrus est Musicus, & Corydon non est Musicus, sine Contradictione sunt, quia

quia terminus  
non est niger  
bryo est vis  
verbum cop  
Corpus est ho  
mutatur. H  
suis sunt exp  
8. Di  
sensu affirm  
dem signifi  
quoad eand  
tiones verè  
Contradictio  
nisi stata. I  
num velut à  
Contradictio  
su retentat  
Universale  
Universale  
cisè verseta  
tionum cor  
tem Contra  
& expressa  
particularit  
lem disci no  
Petrus non  
Logice, ut  
Theol. c. 7.  
in quibus ta  
laritas locu  
nationes est



quia terminus subiecti variatur. Homo est albus, & Homo non est niger, non contradicunt, quia predicatum mutatur. Embryo est vitus, & embryo fiet vitus, non contrariantur, quia verbum copulam in se habens variatur. Homo est corpus, & Corpus est homo, etiam non, quia situs & ordo extremorum immutatur. Hæc antea l. I. § 23. seq. de Nat. Contradicti: suis sunt explicata.

8. Dicitur porro, eandem propositionem in eodem sensu affirmare & negare. Sensum eundem quoad eundem significandi modum, respectum, determinationem, quoad eandem circumstantiam retinere debent propositiones verè sibi contradicentes, scilicet apparens tantum est Contradictio. Hæc c. l. § 25. seq. sunt deducta, & exemplis manifestata. In hoc genere formale Contradictionis propositionum velut à priori consistere censeam, quod omnis legitima Contradictio eandem enuntiationem eodem præcisè sensu retentam affirmare & negare debeat, non autem, inter Universalem affirmantem & particularem negantem, aut Universalem negantem & particularem affirmantem præcisè versetur, Quod in doctrinâ Contradictionis propositionum communiter adduci solet. Hoc enim vel cuidam saltem Contradictioni competit, nempe qua specialiter formalis & expressa est, qua signis istis quantitatis, universalitatis & particularitatis, præcisè determinatur. Nam in genere formalem dici non posse argumento est, quod in his, Petrus est doctus, Petrus non est doctus, formalem Contradictionem agnoscant Logici, ut Hornejus d. proc. disp. c. 5. Vedelius l. 3. Rat. Theol. c. 7. Bacchius vindic. p. 578. pr. Corn. Mart. Et p. 238. In quibus tamen nec Universalitas, nec particularitas, sed singularitas locum habet. At Contradictio, ut sic, ad plures enuntiationes est extendenda, quàm in quibus Universalitas & par-

ticu-



### 8. De Oppositione Enuntiatorum

*icularitas præcisè locum habet, cum & in indefinitis, singularibus, compositis, exponibilibus, similibusq; & inveniat & usurpetur, in quibus, ut tales sunt, quantitas communi Logico- rum iudicio locum non habet: Vel nobilissimæ saltem contradictioni proprium est, quæ principaliter maximèq; propriè Contradictio vocari mereatur, quæ semper inter Universalem & particularem intercedet. Usus autem necessariæ hujus doctrinæ Contradictionis ad longè plures Enuntia- torum species Contradictionem applicandam postulat, quàm in quibus quantitas locum habere potest. Secus in cæteris nullum immotum eruenda veritatis instrumentum sup- peditare quiverit Logicus, cum quibudam enuntiatu quantitas accommodari se non patiat, ut exponibilibus & compositis. His tamen optimè Contradictionem applicari certum est, & ejusdem beneficio verum à falsis immosè secerni, ut praxis a- nalyseos Logica abundè docet, & postea §. 18. exemplis man- festissimum fiet. Patet id etiam inde, quòd oppositionū in pro- positionibus rationem per se & formaliter ex solâ qualitate secundum discretionem veri & falsi metiri oporteat, cum ex hac perfectio & velut nobilitas specierum oppositionis resultet, non ex quantitate, quæ non formalem repugnantiam, sed tan- tum materialem inferat, quæ per accidens ad formalem se ha- bet. Ex affirmatione & negatione formale oppositionis in Enuntiationibus sumitur, quæ ad qualitatem pertinent, non præcisè ex affirmatione aut negatione in tali aut tali quanti- tate, quæ hic indifferens est. Secus & duæ subcontrariæ & sub- alterna vera oppositionis species essent, quia quantitatem vel diversam habent, ut omnis homo est animal, quidam homo est animal, vel sub eadem affirmant & negant. Vt quidam ho- mo est dives, quidam homo non est dives, si quantitas præ- cisè ad Oppositionem faceret. Nam ut quantitas Universa- lis*

*lū diversa  
particula  
tem falsa  
tantum di  
affirmatio  
cunq; ea in  
ribus, comp  
agnoscimus  
9. It  
niri cense  
propositio  
quantitatis  
bro accom  
c. 9. Contr  
idem affirm  
erat positu  
Contradictio  
tionis. D. J  
ex solâ q  
tionibus fin  
Nihil verū  
tio opponi  
plā contra  
præpositiā  
tionem, alter  
Nam, ut est  
contradictio  
negatio præ  
tionem com  
bet. Ad har  
& indirecta*



## Exercitatio I.

9

lis diversam oppositionem facis, contrariam nempe: Sic & particularis diversam faceres, subcontrariam nempe. Hac autem falsa sunt, unde in definitione Contradictionis abstractè tantum dictum, quod sit Enuntiationum in eodem sensu affirmatio & negatio, præscindendo à quantitate, qualiscumq; ea in illis sit, vel an nulla in illis sit. Hinc & in singularibus, compositis, indefinitis, exponibilibus, contradictionem agnoscimus, etsi quantitas in illis nulla.

9. Ita ergo à priori Contradictionem tutissimè definire censeam, affirmationem & negationem ejusdem propositionis in sensu eodem, præscindendo à particulis quantitatis, an illa adsint, an secus, utriq; enuntiatorii membro accommodando. Et sic rectè hic mecum Scharfius l. 2. Log. c. 9. *Contradictoria oppositio, ait, est, quando simpliciter idem affirmatur & negatur, & ita directè tollitur id, quod erat positum.* Similiter Keckermannus l. 2. Log. s. 1. c. 7. *Contradictoria Oppositio est, inquit, quæ est perpetua disjunctionis.* D. Jac. Martini l. 3. inst. Log. c. 13. *Contradictoriæ ex solâ qualitate judicari possunt, sicut fit in enuntiationibus singularibus. Et ut habet vulgaris Logicorum maxima: Nihil veriùs contradicatur, quàm cum affirmationi negatio opponitur.* Fonseca l. 3. Dial. c. 18. Hoc tantum ex ipsa contradictionis formâ requiritur, Ut solâ negatione præpositâ differant, h. e. ut una negationem habeat præpositam, altera minimè, quoad reliqua verò sint omninò eadem. Nam, ut est commune Dialecticorum prologium. Non veriùs contradicatur, nec formalius, quàm cum affirmationi negatio præponitur. Undè postea & compositis solam contradictionem competere ostendit, in quibus nulla quantitas locum habet. Ad hanc rationem Contradictio propositionũ in directam & indirectam dividi debeat. Directam, quæ propositiones

B

eodem



eodem subiecto predicatoq; in sono constantes affirmet & neget. *Hanc subdividi posse in primariam putem, qua sit inter Universalem affirmantem & particularem negantem, vel contrà, adeoque eas, qua quantitate expressâ determinantur.* Huc communem Logicorum definitionem de Contradictione traditam retulerim: Et secundarias, qua inter duas indefinitas, sive pura ea sint, sive modales, duas singulares, duas exponibiles, duas compositas, & similes versetur, in quibus nulla Universalitatis aut particularitatis quantitas conspicitur. Horsum varia Contradictionum exempla, qua in indefinitis, singularibus, compositis, &c. adducere solens. Logici, referenda ducam. Indirectam, qua propositiones diversi subiecti & predicati, qua sonum, sensum repugnantem inferentes, opponat. Quorsum exempla illa referri debere existimem, qua famosè inter Theologos contradicentia dici solent, & ex sensu magis, quam formâ enuntiandi repugnantia iudicantur, de quibus §. 3. dictum. Ita universam hanc Contradictionis propositionum doctrinam commodè per suas species dispesci, totamq; in enuntiatis contradicendi varietatem comprehendi posse existimem. Eaquè methodo porro sectionem hanc primam pertractatam exhibere consultum fuerit.

10. Dicitur ad ultimum, affirmans & negans præcisè, i. e. sistendo intra negationem & affirmationem, non ultrà aliquid subsumendo, inferendo, aut educendo. Contradictio ex se amplius nil agit, quam ut neget istum sensum, quem alterum enuntiatum, cui contradicatur, affirmaverat, aut affirmet, quem negaverat, qualecunque enuntiatum, & qualicunq; formâ propositum fuerit. Quod inde alia deinde propositio velut per consecutionem educatur, hoc ex formali Contradictionis non habebit, sed vel ex materiâ enuntiatâ & rebus

rebus ipsi  
suis fuerit  
Vile hoc ob  
um. comp  
bus ex contr  
mur. Vi cur  
Papa est inf  
est verè Cat  
tè & præci  
cans: Non f  
Romana est  
ra justifican  
dex, etsi non  
fia, etsi non  
licere, sed &  
negando siste  
ditionis. Sic  
tradices: N  
E. tamen M  
haud dubiè  
dices, qua s  
materiys pro  
surpandum,

11. Ii  
& abstraher  
tradita est  
ex sensu defi  
ponibiles,  
gicis facies  
guocetur. Q  
nam forma



# Exercitatio 1.

11

rebus ipsi, in quibus contradicatur: Vel per accidens hoc prorsus fuerit, ut interdum nec consequentem talem elicere liceat. *Vide hoc observatum eris in Contradictionibus exponibilibus, compositarum, absurdarum propositionum, in quibus ex contradicentibus alteram veram semper agnoscere tenemur. Vt cum Papistæ dicunt, sola bona opera justificant, solus Papa est infallibilis Iudex fidei in terris, sola Romana Ecclesia est verè Catholica Ecclesia, & contradicere nos his jubens, re. tte & præcisè contradixerimus: Non sola bona opera justificant; Non solus Papa est infallibilis Iudex; Non sola Ecclesia Romana est vera Ecclesia. Inferunt illi: Ergò tamen bona opera justificant, etsi non sola. E. tamen Papa est infallibilis Iudex, etsi non solus. E. tamen Ecclesia Romana est vera Ecclesia, etsi non sola. Nos negamus ita ex Contradictione elicere licere, sed Contradictione ex se tantum negare dicimus, & in negando sistere, nihil amplius elicere aut educere ex vi Contradictionis. Sic dicam ego: solus Monachus est irrationalis. Contradices: Non solus Monachus est irrationalis. Inferam ego: E. tamen Monachus est irrationalis, etsi non solus. Negabis haud dubiè, id inferre licere, & in solâ negatione sistendum dices, quæ sit verissima. Hoc certum, & similiter in nostris materijs pronunciandum, ac in omnibus materijs absurdus usurpandum, prout ex §. 14. 21. seq. pluribus patebit.*

II. Ita generalis Contradictionis definitio à priori & abstrahendo à quavis velut inferiori specie, formata tradita est. Succedat formandi generalis in eâ ratio. *Hæc ex sensu definitionis tradita faciliè hauriri poterit, quæ ob exponibiles, modales, & compositas alias multum negotij Logicis facescit, ut ex specialibus §. 21. seq. traditis uberiùs cognoscetur. Quæritur: Quomodo Contradictio propositio- num formaliter & generaliter legitimè formanda veniat.*



ut universaliter per omnes propositionum species, qualescunque sint, procedat, ac legitima Contradictionis attributa seruet, ut scilicet & præcisè à falso verum secernat, unumq; enuntiatum verum, alterum falsum faciat, & mediū aliquod Veritatis inter duo enuntiata excludat, quod Contradictionem facere debere l. 1. t. 42. seq. de Nat. Contrad. conclusum est? Ex definitione solutio patet, si scilicet eandem enuntiationem in sensu suo identicè sumptam præcisè affirmes & neges, non plus vel affirmes, quàm negatio ferat, vel neges, ac affirmatio postulat. *Hic jam l. Ramistarum ineptia patet, qui duas universales, affirmantem & negantem, Contradictorias vocant, ut l. 1. §. 17. c. 1. dixi, & testimonia allegavi. Et vocem Contradictionis quidem ita latè quandoq; sumi c. 1. concessum est. Sed proprio strictoq; qui inter Philosophos obtinere debet, sensu talem oppositionem Enuntiationum Contradictionem non esse, & rationibus probari potest, & autoritatibus. Rationibus 1. Quia definitio Contradictionis tali oppositioni non competit. Contradictio est oppositio eandem prorsus enuntiationem affirmans & negans. Sed universalis affirmans & negans non eandem prorsus negat, sed ampliùs quid, quàm affirmans affirmaverat. Affirmans enim de subiecto universaliter sumpto, h. e. de subiecto cum determinatà quantitate universalitatis affirmat prædicatum. Negatio ergo ejus Contradictoria idem prædicatum de subiecto determinatè quanto negare deberet. Hoc aliter non fit, nisi prædicatum etiam de quantitate subiecti neges. Ut, omnis homo est dives. Si hoc propriè negandum sit, universalitatem subiecti simul negare oportet, non omnis homo est dives. Ut enim in affirmante subiectum est omnis homo: Sic in negante idem manere debet, & negari, quod ita fiet: Non omnis homo. Hoc verò non fit in contraria,*

Nul-

Nullus homo  
subiecto  
vel de eod  
mnus homo  
vum, & si  
mabatur, s  
nes divers  
opposita. I  
ves, præci  
mo sit dives  
cularis ex C  
ditionis sic  
mantem ne  
tum negat  
negat, quã  
negare debet  
12.  
re debet.  
pliozem  
enim, v. g.  
non solim  
adbut aliq  
esse divite  
feritur, b  
culari esse  
cendo in pa  
do interin  
attributa  
traditio e  
semper v  
spectu ad



# Exercitatio I.

13

Nullus homo. *Hac enim vel prædicatum negabis de diverso subiecto, plus enim negat, nullus homo, quàm non omnis homo: vel de eodem subiecto diversum prædicatum faciet, ut omnis homo est non dives, ubi prædicatum est infinitè affirmativum, & sic non idem prædicatum negatur, quod antea affirmabatur, sed infinitum tantum redditur, Et sic propositiones diversæ fiunt, non adversæ, minùs Contradictoriè oppositæ. Deindè, cum sic negatur, non omnis homo est dives, præscinditur interim, & relinquitur, an quidam homo sit dives, an non: Id quod sæpè contingere potest, ut particularis ex Contradictioneeducta omninò sit vera, etsi Contradictio ut sic, hoc non affirmet, sed tantum sibi oppositam affirmantem neget. V. §. 10. 14. Sed cum Universaliter & in totum negatur, totaliter negas, ullum esse divitem, adeoq; plus negas, quàm affirmantem illam eo, quo posita fuerat, sensu, negare debueras.*

12. 2. Contradictio eundem sensum præcisè negare debet. Sed universalis negatio affirmanti opposita amplio- rem sensum negat, quàm affirmans intulerat. *Hac enim, v. g. hominem esse divitem in universum dixerat. Hoc non solum negatur per universalem negantem, sed præterea adhuc aliquid supra illud negatur, non solum, hominem non esse divitem in universum dicitur, sed nec ullum esse talem asseritur, b. e. dicitur, hominem nec in universum, nec in particulari esse divitem, i. e. in totum illud negatur, cum Contradiciendo in parte negari debuisset, omnem esse divitem, relinquendo interim, an quidam sit dives, an non.* 3. Quia non habet attributa Contradictionis talis oppositio. *Vera enim Contradictio ex naturâ sua & formali ratione Logicâ alteram semper veram, alteram falsam inferre debet sine ullo respectu ad materiam. Est enim immotum & certissimum eru-*



*enda veritatis instrumentum Logicum, ut s. 1. §. 54. seq. de Nat. Contradict: planum factum. Sed duæ universales affirmantes & negantes ab utraque parte falsæ esse possunt. Ut, Omnis homo est dives, doctus, formosus. N. homo est doctus, dives, formosus. Omne animal est bipes. Nullum animal esse bipes. Mediæ inter has, Quidam homo est dives, doctus, Quoddam animal est bipes, vera sunt. Si interdum veritatem servant, per materiâ tantum id faciunt, cum ea necessaria fuerit. Ut omnis homo est animal. Nul. h. e. an. Prior vera, posterior falsa est, quia materia necessaria est. Ex ipso iudicio & iudicio formæ oppositionis id nequaquam cognoscet, utra sit vera, utra falsa, sicut ex formâ oppositionis Contradictoriæ id cognoscitur, etiam si materiæ nullam cognitionem quis habeat. Sic ex formâ hac opponendi, omnis homo est asinus, non omnis homo est asinus, cognosco, alteram Enuntiationem veram esse, alteram falsam. Sed in contrariis ex materiâ & disciplinis materialibus ad cognoscendum, nempe, procedes, quæ necessariò cohærent, separari non posse, & animal ac hominem necessariò cohærere. Qui ergo animal ab homine separet, sive universaliter, sive particulariter, ille hominem tollat, & consequenter falsum dicat. Non quod formales Enuntiationû Contradictiones formet: Sed quod in ipsâ materiâ Contradictionem in adjecto committat, hominem & non animal simul jungendo, qui termini inconsistentes & virtualiter Contradictories sunt. Hæc Contradictio propriè non Logica & formæ Enuntiandi est, sed realis & materiæ enuntiata, ex eâq. iudicanda & agnoscenda. Et consequenter patet, Contradictionem formalem, & contrarietatem Contradictionem interdum continentem, affectionibus ex propriis formis & essentiis fluentibus differre, unam verum à falso formaliter scernere, alteram non, sed materialiter.*

terialiter &  
Logica  
traditione  
rum denom  
4. Quia di  
si haberi ea  
ipsas confu  
Philosophi  
rietas & Co  
rerum nom  
landa. Dis  
fundendi.  
c. 7. Dico,  
traditione  
eandem si  
est albus, &  
albus, & q  
habet. Ad  
& nullum  
me. Hæc  
varia posse  
traditione  
sed aliquan  
hæc signific  
cepta est.  
13.  
cialiter su  
neralibus g  
cendum,  
ponenda e  
ticularis. R



terialiter & per accidens tantum, & sic specie differre veram Logicamq; Contradictionem, & Contrarietatem, quam Contradictionem Ramistæ vocant. Iam quæ specie differunt, earum denominationes non sunt confundenda, sed distinguenda.

4. Quia distinctæ res distinctis vocibus sunt appellandæ, si haberi eæ possunt. Vocibus enim temerè confusis res ipsas confundi facile est, quas distinxisse multum interest Philosophi. *Distincta autem opponendi species sunt, Contrarietas & Contradictio, ut antè visum. Et dars possunt distincta rerum nomina. E. & distinctis vocibus à Philosopho sunt appellanda. Distinguendi enim Magister hic esse debes, non confundendi. Autoritate idem probatur. Aristoteles d. interp. c. 7. Dico, inquit, affirmationem negationi opponi contradictoriè, eam quæ Universaliter significat, illi, quæ eandem significat non universaliter. Ut, Omnis homo est albus, Non omnis homo est albus. Et nullus homo est albus, & quidam homo non est albus. Idem l. 2. prior. c. 15. habet. Adversa dico, inquit, quæ in toto sunt, ut omne & nullum. Alia verò contraria appello, Vt omne & non omne. Hæc sunt, quæ nos Contradictoria appellamus. Et contraria postea idem de eodem affirmare & negare ait. Hoc contradicentium proprium est. Contraria enim non præcisè idem, sed aliquantò amplius & ultra illud negant, ut ante visum. Et hæc significatio apud Peripateticos Philosophos jam usu recepta est.*

13. Dices 1. Ut generalia generaliter, specialia specialiter sunt tractanda secundum legem pædias: Ita & generalibus generaliter, specialibus specialiter est contradicendum, per eandem legem. E. universali affirmatæ opponenda est contradictoriè universalis negans, non particularis. R. Generalia generaliter, & specialia specialiter  
sunt

sunt tradenda, sed proportionatè & servatâ veritate, ac quomodo conditio rei ferre velit. In oppositione in genere generalia generaliter enuntiatis sunt opponenda. Sed ut hic Contradictio sumitur, non Oppositio in genere, sed certa aliqua in specie est, efficacissima nempe, prima. & summa opponendi ratio, quâq; immotè verum à falso secernat, ut unum enuntiatum verum, alterum falsum evadat. Hujus oppositionis conditio non fert, ut universali universaliter contradicatur, quia & plus negatur, quàm negari debet; & ambæ propositiones falsa sæpius evadent, cum contradicentium unum verum esse debeat. Nec veritas, Cujus eruenda Contradictio immotum instrumentum Logicum esse debet, per duas Vniversales erui potest, cum utraq; falsa esse possit. Et ita lex padeias est intelligenda, ne conditio rei aut veritas inquirenda evertatur. Nec ipsi Ramistæ generalia semper generaliter tractant. Nam particulari propositioni generaliter contradicere docent, ut quoddam animal sentit, omne animal sentit, ut Nicephorus c. Corn. Mart. p. 22. Hic non particulari particulariter, sed universaliter contradicatur.

14. 2. Contradictio est inter eandem enuntiationem affirmantem & negantem. Sed cum universali particulariter contradicatur, non est inter eandem. Non omnis enim idem est, ac quidam, ut ex Cicerone pro Syllâ §. 23. patet. Non possunt omnes esse patritij, si verum quæris, ne curant quidem, i. e. Quidam patritij esse possunt, quidam non. Sed quidam particularem propositionem facit. E. cum per hanc contradicatur universali, non est contradictio ejusdem propositionis, particularis enim non est eadem cum universali, sed diversa. Et consequenter nec legitima Contradictio. R. I. Contradictio est ejusdem propositionis affirmatio & negatio, identitatem à sensu rei enun-

tata

tata affirm  
Quomodo  
ejusdè affi  
est. Sic in  
negatur, est  
non potest e  
esse est Hon  
nimal. Iden  
quibus nulla  
ditione non  
tam, negat  
particulari  
affirmatum  
dictio. V. S  
particulare  
dicendo n  
vix aut infe  
Patritios, q  
educi potest  
sensum illa  
adjecta ver  
docent, qua  
ronis hoc n  
omnes cura  
inferes, qu  
si. Aliund  
ij, an quid  
quam stud  
esse Cicero  
veritate col  
curare, cur



*eiata affirmato & negato asserendo, non precise à quantitate. Quomodo in definitione Contradictionis à priori à sensus ejusdē affirmatione & negatione eam sumendā § 8. dictum est. Sic in indefinitis si sensus idem servetur, idem affirmatur & negatur, etsi nulla quantitas adsit. Ut homo potest esse dives, homo non potest esse dives. Animal currit, Animal non currit. Necessesse est Hominem esse animal, Non necesse est hominem esse animal. Idem in exponibilibus & compositis procedis, in quibus nulla quantitas. Jam in totum negamus, nostrā contradictione non eandem propositionem quantum ad sensum probatam, negari. Planissimè enim universalitas sensus prioris particulari negatione evertitur, & sic idem negatur, quod affirmatum fuerat. Et consequenter legitima nostra est contradictio. V. §. 12. 2. Falsum etiam est, non omnis idem ac particulare, quidam, esse. Simpliciter tantum in contradicendo negat universalitatem, nihil positivum ex adverso ponit aut inferi, V. §. 10. Nec hoc Cicero dicit, quosdam posse esse Patritios, quosdam non, nec ex verbis ejus salvā veritate hoc educi potest, neg. populus ita intellexit: sed tantum negativum sensum illa obtinent, non omnes posse esse patritios, quod adjecta verba si verum quæris, ne curant quidem, evidenter docent, quā tantum negativo sensu procedunt, ex mente Ciceronis hoc modo: Neg. omnes Romani possunt esse Patritij, neg. omnes curant esse. Si quosdam curare esse indè inferas, plus inferes, quàm verborum istorum sensus continuit aut expressit. Aliundè id hauriendum est, an quidam possint esse Patritij, an quidam curent esse. Ex simplici istā negatione nunquam istud educes. Velut si dicam: Non omnes hic possunt esse Cicerones, imò ne curant quidem, nunquam indè cum veritate colliges: Quosdam hic esse Cicerones, & tales esse curare, cum fieri possit, ut nulli prorsus hic sint, nec esse curent.*

*Particularis enim negans in negando tantum sistit, abstrahit ab inferendo alioparticulari affirmante. Quod si vè educi possit, si vè minus, ex vi formæ negationis particularis id non eduxeris, Vt § 25. 26. 27. pluribus deductum. Et si omnino particularis negans absolute extra statum Oppositionis prolata aliam affirmantem particularem inferri pateretur, nunquam tamen id in statu Oppositionis Contradictoriæ pateretur, ubi prætise & tantum negat, nihil affirmati infert. V. §. 10.*

15. 3. Aristoteles Contradictionem duarum Universalium affirmationem & negationem octodecies in l. d. interpret. vocavit, ut Ramus l. c. Scheckium ostendit. *E. non reijci potest hac appellatio. R. I.* Aliud vocis usurpatio, aliud rei propria significatio, Posito, Aristotelem Contradictionis vocem ita lasè interdum usurpasse, ut & Contrarietatem comprehendat, non sequitur, significatum illud voci Contradictionis proprium esse, eoque contrarietatem veram Contradictionem esse, quod inde deducunt Ramistæ. Voces interdum promiscue esse possunt, res ipsæ distinctissimæ manent. Sæpè voces Aristoteles in significato suo tempore, usitato aut aliàs famoso & nonnullis recepto usurpat. Non ob id propriam illud ijs esse, propriasq; inde species vocandas esse sequitur. Distincta enim distinctis vocibus sunt appellanda, si ea suppetunt. V. t. 12. Neq; Ramistæ ad appellationes rerum Logicarum Aristoteli usurpatas se astringi patiuntur, ut in huius vocis ex ambiguitate usu legem statim aut usurpandi vim inferre præsumant. Ita argumenta terminos propositionū vocare, medium terminum argumentum tertium, primam figuram syllogismum explicatum secundum, secundam explicatum primum, tertiam syllogismum contractum, appellare, inaudita apud Aristotelem sunt, Ramistis tamen usitati, pma,

nee curant  
les Contra  
vocat, c. 4  
süm parag  
ejusdem d  
modi, qua  
Hic Contra  
negatio dic  
Univer/alit  
alicujus ind  
non debet. V  
dictoriæ op  
de quo alter  
omni homo  
opponit dicit  
16. P  
quidam voc  
que à falso  
oppositio  
gantes, ut  
flui. Veram  
matur & ne  
Vt Quidam  
negatur illu  
dam homine  
fuisse, Non  
dam homo ei  
minem esse  
rum, & sic  
vel tantum  
quo iterum



nes curant, quod Aristoteli hac prorsus inusitata. 2. Aristoteles Contradictionem affirmationem & negationem oppositas vocat, c. 4. d. interpr. sed qualem intelligat, sequente statim paragrapho declarat, cum opponit eam dicit, quæ est ejusdem de eodem, non homonymas, ut cætera ejusmodi, quæ contra Sophisticas molestias determinaverit. Hic Contradictio prorsus ejusdem de eodem affirmatio & negatio dicitur, quæ in Contrarietate non est, quæ non solum Universalitatem prioris subiecti negat, sed & particularitatem alicujus inde inducitur negat, quod Contradictio, ut sic facere non debet. V. §. II. sic. 7. affirmationem negationi Contradictoriè opponi ait, sed quæ universè enuntiat de eodem illo, de quo altera non universè, ut Omnis homo est albus, & non omnis homo est albus. Duas Universales contrario nomine opponidicit.

16. Patet hinc 2. Oppositionem subcontrariam, ut quidam vocant, veram Contradictionem non esse, verumque à falso perpetuò secernere non posse. Sub contraria oppositio est inter duas particulares affirmantes & negantes, ut Quidam homo est doctus, Quidam homo non est doctus. Veram Contradictionem non esse patet 1. Quia non affirmatur & negatur idem præcisè de eodem, sed de diverso. Ut Quidam homo est doctus, Quidam homo non est doctus, non negatur illud ipsum subiectum, quod in affirmante per quemdam hominem intellectum fuit, esse doctum; sic enim dicendum fuisset, Non quidam homo est doctus, vel falsum est illud, quidam homo est doctus, unde per consequens elicitur, nullum hominem esse doctum: sed vel aliud subiectum negatur esse doctum, & sic non identitas eorundem extremorum servatur: vel tantum indefinite aliquem hominem esse doctum negatur, quo iterum prius subiectum sic idem de eodem non affirmatur

## 20 De Oppositione Enuntiatorum

*& negatur.* 2. Quia proprium attributum Contradictionis ei non competit. Verum præcisè à falso secernere, utrumque enuntiatum verum, alterum falsum habere. Utrumque enim verum in eâ esse potest. *Ut, Quidam homo est doctus, intelligendo de Socrate, Platone, & Quidam homo non est doctus, intelligendo de Melibæo & Menalcæ, &c.* 3. Quia identitatem ejusdem sensus non servat, quia non idem de eodem, sed idem de diverso affirmat & negat. An tamen inter oppositiones Enuntiativas ob id planè non numeranda sit, diversim disceptatur. Ramei planè negant, inter oppositiones referendam. Vide id disceptantem Dunamum l. 2. Log. c. 4. Aristotelei aliquam Oppositionis rationem in ea agnoscunt, quod defensum apud D. J. Mart. l. 2. disc. Ramo. c. 4. q. 7. & Bacchium l. 1. d. anal. Logic. p. 224. seq. videas. *Utrius modo res habeat, alibi pluribus de eo disceptatum est.* V. t. 2. & d. 9. Gym. Log. Satis hic sit, Contradictionem Enuntiativam in ea figi non posse, Quidquid de ratione opponendi in genere esse queat.

17. Quantum ad generalem enuntiativè Contradicens formam attinet, quoniam sensu modò formaliter ea consistat, §. II. *assertum, & ex definitione Contradictionis à nobis traditâ liquere dictum est.* Sed quâ proponendi forma modoque quàm maximè apertè, formaliter & generaliter per omnes Enuntiandi formas proponi debeat, ut in omni enuntiationis specie sine lapsu aut errore procedat, ulterius quæritur? Hic varij variè, & de diversis enuntiandi formis diversè modum assignant. Quædam enuntiatia prius exponenda dicunt, priusquam illis contradicatur. Quædam respectivè in Contradictione negari aiunt, non absolute. Quædam in membris neganda esse, non membrorum attributione, ut composita enuntiatia, ut nonnulli de illis sentiunt.

ut §. 22.

ut §. 22. 23  
num esse vi  
cunq̃ue si  
modalia, a  
præponen  
sensu sum  
idem sensus  
tum in isto  
tributione,  
negatur de  
lud, quod  
tum, Contr  
tione opposi  
tum fuerat  
motè futur  
non esse in  
fallere non  
Vt: Omnu  
non est id,  
clius, non q  
hominem e  
per negatio  
illud infinit  
homo est, es  
si brutum v  
est totum i  
justus. Null  
idenuntiati  
homo non e  
rum est, qu  
libus, exp



ut §. 22. 23. patebit. Mihi ut certi quid hic constitutur, censu-  
 mum esse videtur, omnibus enunciatis affirmativis, qualia  
 cunque sint, s. simplicia sive composita, sive pura, sive  
 modalia, aut exponibilia, sive absoluta sive comparativa,  
 præponendo particulam. Non negativo, non infinitante  
 sensu sumptam Catholicè & formaliter contradici, ita ut  
 idem sensus qui affirmatus fuerat, negetur, & totum enuntia-  
 tum in isto sensu tollatur & verum esse negetur, & copula at-  
 tributionis, qualicunque illa fuerit, sive simplex sive composita,  
 negetur de subiecto. Vig. sensus contradicens sit: Non est il-  
 lud, quod affirmatum fuerat. Si negatum fuerit enuntia-  
 tum, Contradictio, in eundem sensum recidere debet affirma-  
 tione opposita: Nempè sensus sit: Est illud, quod esse nega-  
 tum fuerat. Hic ex duobus unum verum, alterum falsum im-  
 motè futurum est, cum principium Contradictionis, esse  
 non esse in tali contradicendi formâ aperte contineatur, quod  
 fallere non potest, ut s. I. de Nat. Contradict: palam factum.  
 Vt: Omnis homo est animal, non omnis homo est animal, h. e.  
 non est id, omnem hominem esse animal. Quidam homo est do-  
 ctus, non quidam homo est doctus, i. e. non est illud, quendam  
 hominem esse doctum. Vt tò non ad copulam refundatur, & su-  
 per negationem totius Enuntiatum feratur, non solius subiecti, ut  
 illud infinitum reddatur. Vt non sensus sit: Aliquid, qui non  
 homo est, est iustum, hoc enim falsum interdum esse potest, ut  
 si brutum vel plantam sub non homine intelligas: Sed, Non  
 est totum illud, Hominem esse iustum; vel, homo non est  
 iustus. Nullus homo est leo, Non nullus homo est leo, h. e. Non est  
 id enuntiatum verum, nullum hominem esse leonem. Quidam  
 homo non est doctus, non qu. homo non est doctus, h. e. non ve-  
 rum est, quendam hominem non esse doctum. Idem in moda-  
 libus, exponibilibus, singularibus, compositis, infinitis,

## 22 De Oppositione Enuntiatorum

præternaturalibus, comparativis, & omnibus enuntian-  
di formis procedit, si identitas sensus ejusdem præcisè servetur.

18. In modalibus, si sensus divisi fuerint optimè pro-  
cedit Contradictio. *Ut* Necesse est hominem esse animal, non  
necesse est hominem esse animal. Contingit hominem currere,  
Non contingit hominem currere. Impossibile est leonem esse  
Canem, Non impossibile est leonem esse canem. Hoc est, si di-  
visè formentur enuntiata: Homo necessario est animal, Non  
homo necessario est animal. Homo contingenter est currens, non  
homo contingenter est currens, h. e. falsum est id, homo contin-  
genter est currens & sic in cæteris. Tamen negativè, non infini-  
tè sumi debet, est §. 17. monitum. Exponibilibus, ut, solus  
homo est Medicus, non solus homo est Medicus. Solus  
Papa est Judex controversiarum fidei, non solus P. e. j. C.  
f. hoc est, non est id, solum Papam esse judicem Controversia-  
rum fidei, ubi posterior contradicens omnino vera erit. Sola  
Ecclesia Romana est vera Christi Ecclesia, Non sola E. R. e. v.  
C. E. Sola bona opera justificant, Non sola b. o. j. Solus Ma-  
homeres pro nobis intercedit apud Deum Non solus M. p. n. i. a.  
d. Elementa tantum sunt quatuor, Non elementa s. f. q. Ne-  
mo præter Iudam ex Apostolis perijt, Non nemo p. j. e: A. P.  
Prædicamenta sanctorum sunt 10. Non Prædicamenta tantum sunt  
10. Homo quia homo est rationalis, non homo, quia homo, est ra-  
tionalis. Homo, quia rationalis est docilis, non h. q. r. e. d. Chri-  
stus quia humanitatem sedet ad dextram DEI, Non Chr. q. h. f. a.  
d. D. hoc est, Non est illud, Christ. quia humanitatem sedet ad dext.  
DEI. Posteriora falsi arguunt priora, & sic alterum illorum  
enuntiatorum omnino verum, alterum falsum esse oportebit.  
*Ut* §. 21. seq. pluribus patebit. Singularibus, ut Christus est  
caput Ecclesiæ, Non Christus est caput Ecclesiæ, h. e. Non  
verum hoc, Christus e. c. Eccl. Petrus negavit Christum, non

Petrus

Petrus negavit  
Christum,  
provenit,  
si fuit, non  
adulter, Non  
adulter. Con-  
composita f  
berus, talis f  
& fidei habet  
& fidei quis  
lucet, ibi est a  
nox est. Aristo  
stoteles & Pl  
si asinus vola  
dies est, non n  
mosus fuit. N  
sus fuit. In q  
junctionis,  
copulam ve  
89. 90. pasc  
gatur veritas  
nitis, ubi ve  
est infinitum  
homo potest n  
Non non les n  
rugibile, ut  
negetur. Præ  
tali procedu  
Christo est De  
tus est cervus,  
Pardus, non q



Petrus' negavit Christum, h. e. Non verum, Petrus negavit Christum, Vel si tñ non ad copulam rejicias, sensus idem provenit, Petrus non negavit Christum. Judas proditor Christi fuit, non verum, Judas proditor Christi fuit. David fuit adulter, Non David fuit adulter, vel, non verum, David fuit adulter. Compositis, sive comparative sive conjunctive composita sint: *Ve*, Qualis herus, talis servus, Non qualis herus, talis servus. Quantum nummorum quis habet, tantum & fidei habet, Non quantum nummorum quis habet, tantum & fidei quis habet. Ubi Sol lucet, ibi est dies, Non ubi Sol lucet, ibi est dies. Aut dies est aut nox est, non aut dies est, aut nox est. Aristoteles & Philosophus fuit & Christianus, non Aristoteles & Ph. & Ch. fuit. Si asinus volat, habet pennas, non si asinus volat, habet pennas. Si dies est, nox non est, Non si dies est, nox non est. Et si Vlysses facundus fuit, non tamen formosus fuit. Non etsi Vlysses facundus fuit, non tamen formosus fuit. In quibus sive negationem super copulam Conjunctionis, & sic totius propositionis refundas, sive super copulam verbi in membris contentam ut alii volunt, ut §. 89. 90. patebit, sensus contradictorius eodem recidet, & negatur veritas totius illius enuntiati cui contradicitur. Infinitis, ubi vel subjectum vel prædicatum, vel utrumque est infinitum, ut, Homo potest non currere, non videre, Non homo potest non currere, non videre. Non leo non est rugibile, Non non leo non est rugibile, i. e. Non verum, Non leo non est rugibile, ut veritas totius enuntiati prioris in Contradictione negetur. Præternaturalibus, quæ de materiâ præternaturali procedunt. *Ve* homo in Christo est Deus, Non homo in Christo est Deus, i. e. non verum, homo i. C. e. D. Quidam hircus est cervus, non quid. hircus est cervus. Quidam leo est Pardus, non quid. leo est pardus. Quid. ignis non visus est visibilem

*materiam, non qui ignis non vsit vsibilem materiam. Hoc est, falsum est, quid: ignis non vsit vsibilem materiam.*

19. Hanc formam generalem Contradicendi in omni enuntiato legitimam & maximè formalem esse, praescindendo à materia & re enuntiata enuntiationis, an vera illa vel verisimilis, an absurda & impossibilis, an necessaria vel contingens, naturalis vel praternaturalis Topica vel Apodictica, variè probari potest. 1. Ex ipso formali Contradictionis. Contradictio debet ejusdem propositionis in eodem sensu sumpta affirmatio esse & negatio, per §. 7. 8. Sed nostra Contradictio est tale quid, negat enim praevisè veritatem prioris affirmati enuntiatum in sensu, aut affirmat negati, ut ex sensu affirmationum & negationum in Contradicientibus, qui ex nostrâ mente est, patet. Hic enim sensus: Falsum est id, quod affirmatum aut negatum fuerat. V. §. 17. 18. 2. Ex fundamento, & principio Contradictionis Contradictio in univèrsum omnis, sive rerum, sive enuntiationum, sive in terminis, sive in modis enuntiandi consistat, idem de eodem identicè affirmare & negare debet. Hoc enim fundamentum Contradictionis, quo omnis legitima Contradictio nititur, postulat, quod illud Natura & immutabilis veritatis est principium: Impossibile est idem esse & non esse, ut s. 1. c. 65. seque: de Nat. Contrad. disputatum. Sed noster modus Contradicendi generaliter per omnes enuntiationum formas id facit. Vt, Homo est animal, Homo non est animal, de eodem idem affirmatur & negatur, modò competens idemq. sensus conservetur. E. maximè est formalis & legitimus. 3. Ex generalitate Contradictionis. Contradictio hoc sensu sumpta per omnes enuntiationum formas generaliter procedit, ut §. 17. 18. visum.

E. maximè legitima Hac enim ab omni materia abstrahere & indifferenter omnibus aptari posse debet.



itate, ut §.  
qualitate judi  
forma apu  
num respici  
cit. Praescind  
enuntiatorum  
tur esse veru  
ponibilibus  
Contradicti  
mentum Log  
materia proc  
truat. Idem  
rem alicujus  
strumentum  
aliquo Enun  
materia con  
na negatio  
rum enunti  
mè de mate  
la forma con  
in omni ma



gmo

emis-  
anfe-


, vel  
n non  
nsub-  
pro-  
qvar-

225

7115













Biblioteka Jagiellońska



stdr0019291



